



Kan ek met 'n tandeborsel in my mond bid?

Om *Blitsposte* ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan taal@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Ek het eenmaal met 'n tandeborsel in my mond probeer bid. Dis 'n storie vir 'n ander dag, maar kom ons sê net dit het nie baie elegant gelyk nie. Die punt is ek het gevoel ek moes bid. Ek het gevoel dis dringend, maar die tyd het my ingehaal. En so staan ek toe voor die spieël, tandepasta oral, een oog half toe en ek prewel iets soos: *Here, ek weet nie hoe vandag gaan lyk nie, maar help my net om alles te onthou wat ek moet sê.*

En in daardie oomblik het ek gewonder: tel dit? So 'n afgerammelde, halfgebakte tandeborselgebedjie? Want ons het grootgeword met gebed as iets heilig. Ingetoë. Formeel. Groot woorde. Met gevoude hande, geslote oë en op jou knieë soos my oupa en oma nog tot laat in hul tagtigs gedoen het. Dis mos nou ware gebed. En daardie is natuurlik steeds kosbare oomblikke. Maar ek het later in my lewe tot die bevrydende besef gekom dat dit net *een* manier van bid is – nie die *enigste* nie. Want wat van die moedelose gebed wat gebeur terwyl jy in die verkeer sit en jou kind agter in die kar skree? Wat van daardie desperate fluistering voor jy jou bloedtoetse se uitslae kry: *Asseblief, Here?* Of die stil trane wat jy wegvee wanneer jy moeg in die badkamer gaan skuil? Dis tog ook gebed, dan nie? Ek dink Jesus sou ja sê.

Jesus het nie gebid sodat Hy pêrels van die regte liturgiese volgorde aan 'n gebedsketting kon ryg nie. Hy't gebid soos iemand wat weet sy Vader is altyd naby. Hy't langs mense geloop en stil gebid. Hy't op water geloop en kort gebid. Hy het in 'n tuin gebid met sweet soos bloed. En aan die kruis was sy laaste asem... 'n gebid. Hy't nooit gewag vir die perfekte oomblik, die perfekte postuur of die perfekte woorde nie want die *hele lewe* is 'n heilige oomblik en die *hele aarde* is heilige grond want God is tog oral.

Dalk is ons idee van gebed te klein. Dalk is ons idee van God se aanwesigheid te beperk. Want as Hy die een is wat alles onderhou, selfs jou asemhaling, waarom sou Hy nie ook teenwoordig wees wanneer jy vir die derde keer daardie e-pos begin en weer uitvee en vra vir die regte woorde nie? Dis dalk nie *net* die vorm van ons gebede wat saak maak nie. Dis dalk juis die hart wat stil na God toe draai. Dis die bewuste besef: *Ek is nie alleen in hierdie oomblik nie.* Dis die diep wete dat selfs die gebed sonder woorde, sonder struktuur, sonder 'n mooi begin of 'n amen, steeds gehoor word.

So, ja, jy *mag* steeds op jou knieë gaan. Jy *mag* jou oë toemaak. Jy *mag* 'n mooi dissipline aanleer om stilte op te soek. Maar moenie dink jy *moet* eers reg wees voordat jy met God mag praat nie. Moenie wag tot alles reg lyk, stil is en jy diep asem gehaal het nie. God is al lankal daar. Hy is altyd daar waar jy is. Hy wag nie op jou netjiese formulering nie. Hy wag op jou hart.

So as jy môreoggend weer haastig in jou dag in hardloop met jou sleutels in die een hand en jou selfoon in die ander en jy dink iets soos: *Here, ek weet nie hoe ek dit gaan maak nie...* Dan sê ek nou vir jou: Jy het gebid en God het geluister.

Ds Rue Hopley
(Pretoria-Oos)

Lief en leed



Ds Thomas Joubert

- **Ds Thomas Joubert** (emeritus/Swellendam) is op 11 Julie oorlede. Sy begrafnis vind Donderdag om 10:30 in Gemeente Swellendam plaas. Die Kerk betuig simpatie met ds Thomas se eggenote Ronel, hul kinders en kleinkinders.
- **Mej Sanet du Plessis** (Sinodale Dienssentrum) is onlangs met borskanker gediagnoseer. Sy ondergaan tans toetse en wag op die onkoloog se behandelingsplan.
- **Die volgende predikante verjaar tot 25 Julie 2025, en word hartlik geluk gewens:**
 - Woensdag 16 Julie: Di JT (Jimmy) Manders (Witfontein) en JAC (Jan) Rossouw (emeritus)
 - Donderdag 17 Julie: Di W (Willem) Dykema (Windhoek), JJ (Johan) Greyling (Bethal/Morgenzon) en JF (Hannes) van der Merwe (Pretoria-Oos)
 - Sondag 20 Julie: Ds MM (Mari) du Plessis-Manders (nie-diensdoende predikant)
 - Maandag 21 Julie: Dr AJ (Adam) Zwarts (emeritus) en ds JA (Hannes) Jansen van Rensburg (Emmaus Kenleaf)
 - Woensdag 23 Julie: Ds CJJ (Juanita) du Preez (Pierneef)
 - Donderdag 24 Julie: Ds PJHS (Henk) Pienaar (Bosmansrust)

Gemeentes en bediening

- **Sinodale offergawes – Volhoubaarheidmodel:** Die Raad van Finansies wil reeds vóór die eerskomende AKV vir gemeentes die geleentheid bied om volledig ingelig te word oor die beskrywingspunt, en om enige vrae daaroor te opper. Die Raad glo dat dit die gehalte van die gesprek op die AKV sal dien en daartoe sal bydra dat die 74ste AKV 'n goeie besluit tot voordeel van die Kerk sal neem. Daarom bied die Raad van Finansies op die volgende datums webinare aan insake hierdie voorgestelde volhoubaarheidmodel vir sinodale offergawes:
 - 29 Julie 2025 – 09:00 tot 11:00
 - 31 Julie 2025 – 18:30 tot 20:30
 - 18 September 2025 – 09:00 tot 11:00 en 18:30 tot 20:30Die Zoomskakel is soos volg:
<https://us02web.zoom.us/j/9427689935?pwd=d3d3K1N1cDU0a1plZCtjSS9ZSFY4dz09>
ID: 942 768 9935
Wagwoord: SGB
- **Mnr Tertius van den Bergh** verhuis na Pretoria vanaf Parys en is beskikbaar om op te tree as **orrelis** by gemeentes. Hy kan gekontak word by 082 728 7112.
- **Preekbeurte op uitnodiging: Gemeentes Noordelike Pretoria en Wonderboompoort** is in 'n samewerkingsooreenkoms. Die kerkgebou is in Eloffsdal geleë en die gemeente benodig van tyd tot tyd preekbeurte op uitnodiging.
 - In die lig van bogemelde beoog die gemeentes om 'n **databasis** van beroepafwagendes en afgetrede (emiriti) predikante asook finalejaar studente wat in die omgewing van Pretoria woonagtig is, saam te stel.
 - Die pligte sal hoofsaaklik preekbeurte, verkondiging van die Woord, huis- en siekebesoek, lei van begrafnisdienste en ander wat later dalk uitgebrei kan word, wees.
 - Vergoeding geskied volgens die riglyne punt 5 (Vergoeding vir preekbeurte op uitnodiging) soos neergelê in Omsendskrywe nr 8/2025 gedateer 11 Februarie 2025 of soos ooreengekom.
 - Beide gemeentes is vakant en 'n beroep sal eersdaags uitgebring word.

Indien u belangstel om by die betrokke gemeentes te preek, word u versoek om u **inligting en/of navrae** aan die volgende te stuur: oudl Dewald Jordaan 083 309 7206 of dewald-jordaan53@gmail.com of oudl Awie Viljoen 073 747 2351 of wonderboompoort@nhk.co.za. Die sluitingsdatum is **31 Julie 2024**. Laat aansoeke sal oorweeg word.

Werksgeleentheid

HOOF: HERVORMDE TEOLOGIESE KOLLEGE

Die Nederduitsch Hervormde Kerk van Afrika (NHKA) wag aansoeke in vir die pos van **Hoof van die Hervormde Teologiese Kollege** (HTK) wat aan die Universiteit van Pretoria gesetel is. Die pos moet vanaf 1 Januarie 2026 gevul word.

Die volgende sal onder andere van die Hoof van die HTK verwag word:

- Om mentorskap aan HTK-studente te bied ter ondersteuning van hul behoeftes, geestelike en emosionele welstand.
- Om toesig oor effektiewe studente-administrasie te hou om sodoende die nodige ondersteuning in studentwees te bied en om voldoende verslag aan die Kuratorium te kan lewer.
- Om die nodige modules tydig te ontwikkel, gasdosente te werf en self ook lesings aan te bied sodat studente voldoende Kerkspesifieke opleiding ontvang.
- Om voortgesette bedieningsopleiding (VBO) te fasiliteer wat voortgesette teologiese toerusting (VTT) insluit en om die administrasie van die VBO-program te bestuur sodat predikante optimaal vir hul bediening toegerus kan word.
- Om die nodige navorsingsassosiate tydig te werf, self te publiseer en die kostepunt ten opsigte van publikasies te bestuur om sodoende Hervormde teologie te bevorder.
- Om jonger teoloë te werf en as potensiële dosente vir die toekoms te ontwikkel sodat teologiese opleiding in die toekoms verseker kan word.
- Om die HTK in samewerking met die SGB en die Sentrum Reformatoriese Studies uit te bou sodat teologiese opleiding verskans word en praktykkennis uitgebrei word.
- Om goeie betrekkinge met ekumeniese vennote aan die fakulteit te handhaaf sodat ekumeniese bande met Reformatoriese kerke uitgebou kan word.
- Om die visie vir strategiese teologiese opleiding en leierskap vir die toekoms te fasiliteer sodat die Kerk toegerus kan wees in veranderende tye.
- Om die begroting van die HTK in samewerking met die Bedryfshoof (Sinodale Dienssentrum) saam te stel en tydig te bestuur sodat daar verantwoordelik met die toegekende begroting omgegaan word.
- Om jaarliks aan die Kuratorium en Kommissie, en driejaarliks aan die Algemene Kerkvergadering verslag te lewer om behoorlike rekenskap te verseker.
- Ontwikkeling van toerusting van ampsdraers en lidmate.
- Ontwikkeling van bedieningsvaardighede van predikante.
- Skakeling met soortgelyke kolleges en opleidingsentra in die binne- en buiteland; en
- Oorhoofse bestuur van die *THT* in samewerking met die redakteur en redaksie.

Die geskikte kandidaat sal aan die volgende vereistes voldoen:

- 'n Geordende predikant van die NHKA wees;
- Oor 'n doktorsgraad in teologie beskik;
- Moet gesonde en gebalanseerde interpersoonlike verhoudings handhaaf en teologiese studente pastoraal kan begelei;
- Op hoogte wees van die huidige teologiese diskoers en daaraan kan deelneem; en
- Rekenaarvaardig wees.

Aansoekers moet die volgende dokumente indien:

- Volledige CV;
- Gesertifiseerde kopieë van kwalifikasies;
- Name en kontakbesonderhede van twee referente;
- 'n Selfevaluering van hoogstens een bladsy; en
- 'n Visie vir die uitbou van die HTK.

Van kandidate mag verwag word om psigometriesse toetsing te deurloop.

Die pos bied die volgende voordele:

- 'n Kontrakaanstelling vir vyf jaar wat na afloop van die termyn hersien word.
- Traktement in lyn met die Kerk se skale.

- Behuisingstoelaag.
- Verlof soos per verlofreglement van predikante in die Kerkorde.
- Motortoelaag.

Aansoeke moet voor of op **31 Julie 2025** ingedien word by: Johan Hattingh (johan@nhk.co.za)

Vergaderings

- Dinsdag 22 Julie: TOF Beurs- en Leningskomitee
- Vrydag 25 Julie: Moderamen

Kerklike en ander publikasies



R300

DIE UITGEBREIDE LITURGIESE KALENDER

'n Kategismus, asook historiese en teologiese toeligting

'n Boek wat elke predikant en belangstellende lidmaat moet hê om elke Sondag op 'n verantwoordelike wyse met die kerklike jaar, en so met die evangelie om te gaan!

Geskryf deur prof **Natie van Wyk**

Bestel van mev Sarie Roux by boekwinkel@nhk.co.za



R250

GESKIEDENIS VAN DIE HERVORMDE KERK 1824-2024

Ontdek die ryk geskiedenis van die Hervormde Kerk van 1824 tot 2024. Hierdie nuwe publikasie van prof Wim Dreyer bied 'n diepgaande blik op twee eeue van selfstandige kerkwees en die kragtige geloofsband tussen die Hervormde Kerk en die gedeelde geskiedenis van die Afrikaanse susterskerke.

'n Moet-lees vir elkeen wat belangstel in kerkgeskiedenis!

Beskikbaar by mev Sarie Roux by boekwinkel@nhk.co.za

BOEKWINKEL-PROMOSIE

Mag hierdie Gedenkalbum ons opnuut tot dankbaarheid stem - dankbaar teenoor die Here omdat Hy deur sy genade ons toelaat om deel van sy kerk te wees, deel te wees van 'n skare gelowiges wat deur die eeue heen kon sing: 'Loof die Here! Ek wil die Here loof, met alles wat in my is wil ek sy heilige Naam loof. Ek wil die Here loof en nie een van sy weldade vergeet nie....' (Ps. 103:1-2).

Prof Wim Dreyer
(Uittreksel uit die voorwoord)



WAS R300
NOW R100

Bestel van mev Sarie Roux by boekwinkel@nhk.co.za



- In die **2025 Winter-uitgawe van Vroueflitse** fokus die NHSV op ouerbetrokkenheid en geestesgesondheid. **Ds Janine Bevolo-Manders**, gemeente Witfontein, brei uit oor geestesgesondheid in **ABC-lys van goeie nuus!** Ouerbetrokkenheid word deur **Marietjie Schutte**, NHSV Streekvoorsitter Noord-Kaap-streek, gemeente Vaalharts toegelig in **Leer jou kind die waarde van gebed**. Volg die skakel **[hier](#)**.

'n Gedig

Die lykbesorger

Wanneer 'n plaaswerf sterf, word die wind baas,
hy blaas, breek bolle sand
soos uit 'n omploegland,
speel met tolbosse, kerf fyn spoortjies
van vergetelheid.
Dwing dan lenige bloekoms
tot 'n buiging en jaag herfsblare teen
verweerde lyndrade vas.
By die riete laat hy muisvangervoëls opwip
soos net-net uit 'n strik.
Só sleep hy sy rasende jas
orals rond en begrawe my geraamtes
bogronds.

Marlize Hobbs

(Uit: *Merang*, N Cochrane en A Roux, 2025)

Kom kyk saam

Mej Elizabeth Rossouw, finalejaarstudent aan die Hervormde Teologiese Kollege, wil vir jou sê dat nie net predikante 'n pastorale roeping het nie! Luister saam.
#teologiestudente #pastoraat #geloof

Fondsinsamelings

- **Dis weer basaartyd!** Laat weet asseblief (**taal@nhk.co.za**) wanneer ons by julle heerlike pannekoek en basaarpoeding kan kom eet:
 - 25 Julie Ermelo
 - 26 Julie Wonderboom
 - 2 Augustus Pretoria-Oos
 - 2 Augustus Grimbeekpark
 - 30 Augustus Rustenburg-Suid
 - 30 Augustus Ottosdal
- Kom kuier saam! **Gemeente Wonderboom** nooi jou hartlik uit na hul basaar op Saterdag **26 Julie 2025!**
Tyd: 09:00 tot 13:00
Plek: Marjoramlaan 219, Wonderboom

Allerlei lekkernye sal te koop aangebied word! Kry pap-en-kaiings, kerrie-en-rys, *chicken strips* en skyfies/slaai, jaffels, pannekoek asook heerlike warm koffie, tee of cappuccinos en geniet soetgoed soos basaarpoeding en gebak terwyl u tussen die verskeidenheid interessante stalletjies rondstap.

Indien u belangstel om 'n **staanplek vir 'n stalletjie teen R100** te huur, is u welkom om 078 905 0820 te kontak vir besprekings. Ongelukkig mag geen eetgoed verkoop word nie. Laaste dag vir bespreking en betaling is **18 Julie 2025**.

Basaarpret met verskeie pryse op die spel! Daar gaan selfs 'n **hondeskou** wees vir jul hondekinders.

Sien uit om u daar te sien!

- **Gemeente Kampersrus Hoedspruit** hou op **26 Julie 2025** hul jaarlikse **gholfdag** by Drakensig Gholfbaan. 'n Gelukkige speler wat 'n kolskoot slaan, wen 'n New Holland TT85 Trekker. Daar is baie ander pryse te wen! Teen R4 000 per 4-bal, 4-speler *American scramble* is dit iets om na uit te sien. Putjiekoste vir borge is R1 500. Daar is ook gratis akkommodasie in 'n gastehuis in Hoedspruit vir die eerste 4-bal en/of 4-bal *American Scramble* wat bespreek en betaal vanaf 'n ander plek as Hoedspruit. (Dit geld slegs vir spelers). Kontak Susan la Grange by 072 636 8001 indien u belangstel.
- **Gemeente Pretoria-Oos** nooi jou hartlik uit na hul **KONKA-konsert** op **1 Augustus 2025** waar **Corlea Botha en Ruhan du Toit** optree. Kaartjies beloop R200 vir volwassenes en R50 per kind onder die ouderdom van 12 jaar. Kontak gerus die kantoor (012 460 8441) vir verdere inligting.
- **Gemeente Sionspoort: Vleisfees**
Saterdag 2 Augustus vanaf 08:00 tot laat
 By die **Tuinhekkie** net buite Randfontein.
 Adam Tas, Liane Heyl, Bobby van Jaarsveld, JP Dix, Wynand en Chereé, Daemian-Lee, Prop, Ivan Roux, Hennie de Bruyn en die Kitaarkêrels, John Rock Prophet, Marko, Caitlyn Mitchell en talle ander kunstenaars tree heeldag op die **twee groot verhoë** op – met Vanes-Mari as hoofaankondiger. Sjef Vaatjie gee vleisadvies en beoordeel die slaglambraaikompetisie. **Meer as 350 uitstallers** sowel as 'n groot plaasafdeling en ook 'n veteraanmotorskou, kameel- en lugballonritte, pretparke, kunsuitstallings, demonstrasies (onder andere mond-en-voetskilders), verskeie gesellige kuierareas en vele meer. Kom geniet die eetgoed, opwinding en feesatmosfeer. **Kontak** 082 464 1547 of besoek [Sionspoort op Facebook](#) vir die **feesprogram**
- **Gemeente Hartebeestpoort** (Brits) bied weer dié jaar hul 3de **Bosveld Mtb** op **2 Augustus 2025** aan as 'n fondsinsameling vir die gemeente. Daar is 'n keuse van vyf afstande, naamlik 4 km & 8 km *kiddies ride* 36 km, 91 km en 156 km.
Plek: Brits Vliegveld
Tyd: Begin om 07:00.
 Aanlyn inskrywings kan gedoen word. Dié jaar het ons nog meer waterpunte en Bakkies Botha is ons gas vir die dag. Hy gaan self die 91 km doen.
 Vir **navrae** kontak: Ds Corlien van der Merwe (083 654 8154), Marcel by Hartebeestpoort-kerkkantoor (012 252 4315), Mechiel Ras (072 605 1393) of Mias van der Merwe (083 320 2466). Klik [hier](#) vir meer inligting en inskrywings. Gaan kyk gerus wat sê die vorige deelnemers onder *Testimony* (sic) op die webwerf.
- **Gemeente Pretoria-Oos** nooi jou hartlik uit na hul **basaar** wat op **2 Augustus 2025** plaasvind. Bring jou kinders na die jeugarena terwyl jy lekker rondloop en die verskeie stalletjies soos boeke, pannekoek, plante, en die witolifanttafel geniet! Kontak gerus die kantoor (012 460 8441) vir verdere inligting.
- **Gemeente Randburg** nooi u om 'n middag van hemelse musiek saam met met die internasionaal bekroonde sopraan **Amira Willighagen** op **Sondag 3 Augustus om 14:00 by die Hervormde Kerk Randburg** te beleef. Met haar engelstem en indrukwekkende repertoire beloop hierdie uitvoering om jou siel te roer en jou hart met vreugde te vul. Moenie hierdie unieke geleentheid om een van Suid-Afrika se grootste jong talente lewendig te hoor misloop nie. Bring familie en vriende saam vir 'n onvergeetlike musiekmiddag in 'n pragtige en inspirerende omgewing. Kaartjies is [hier](#) via Quicket teen R200 per persoon beskikbaar. Kontak ons vir meer inligting by 011 787 4983, admin@nhk-randburg.co.za of besoek ons webwerf [hier](#).
- **Gemeente Klerksdorp-Suid** hou 'n **Blesbokkompetisie** teen R50 per inskrywing.
 - Eerste prys: 20 kg wors & 20 kg maalvleis
 - Tweede prys: 10 kg Wors & 10 kg maalveis
 Die gelukkige trekking vind op **7 September 2025** plaas.
WhatsApp vir Trudie (072 393 5187) vir enige navrae en aankoop van lootjies.





Lootjies by Kharla: 084 024 3207

Bankbesonderhede:

Standard bank
Kharla Guest
Lopende rekening
Nr: 10167368255

Wenner
word op
1 September 2025
op ons
Facebook-blad
aangekondig.



Toerusting



NHKA
Pretoria-Oos

12-13
Augustus 2025

12 Augustus
10:00 (Registrasie)
11:00 (Opening en verwelkoming)

R600
met verversings
enkelssessies gratis (sonder ete)

28 JULIE
met betaling

Konferensie

Nadenke oor die Belydenis van Nicea



Uitnodiging deur
Die Werkgemeenskap Historiese Teologie (SA)
in samewerking met die
Departement Sistematiese en Historiese Teologie
van die Universiteit van Pretoria

Nawrae

PROF WIM DREYER
wimdreyer@nhk.co.za

PROF JOHAN VAN DER MERWE
johan.vdmerwe@up.ac.za

DR CHRISTO PRETORIUS
christo@pretoriafm.co.za

DR ANTONETTE JANSE VAN RENSBURG
antoejvr@gmail.com

- Op 19 Junie 325 nC is die eerste weergawe van die **Geloofsbelydenis van Nicea** amptelik aanvaar tydens die Konsilie van Nicea. Wêreldwyd vier kerke vanjaar hierdie gebeurtenis van 1 700 jaar gelede. Die Hervormde Teologiese Kollege het 'n **inligtingsblad** geskep oor Nicea wat gemeentes kan help om op hul eie manier Nicea te herdenk. Klik [hier](#) vir die inligtingsblad. Dit is 'n dinamiese blad en word gereeld bygewerk met nuwe inligting. Hou die gereelde-advertensie in *Blitspos* dop om op hoogte te bly.



Vier Nicea

1 700 jaar later



HTK se tema vir VTT 2025 is **"Nicea 1700 – Ek getuig"**.

Gemeentes word hartlik uitgenooi om tussen **3 Augustus en 19 Oktober 2025** aktief deel te neem aan hierdie opwindende projek.

Wat is beskikbaar?
Baie inligting
Liturgiese riglyne en preeksetse
Toerustingsmateriaal

Besoek: <https://hervormdeteologie.co.za/>
Laat ons saam getuig van ons geloof – 1700 jaar ná Nicea!

Barmhartigheid

- Wil jy graag deel wees van die **verbetering van die Kerk se sigbaarheid** in die samelewing? Die Hervormde teologiese studente het deel gevorm van 'n steekproef rakend die sosiale mediaplatforms van ons Kerk in terme van Facebook, YouTube, Instagram en LinkedIn. Dit het irritasies geïdentifiseer wat gelei het tot verbeterings. Die Afdeling Kerklike Kommunikasie

is dankbaar vir hierdie waardevolle inligting. Ons vra dat **alle bereidwillige predikante** ook sal deelneem aan so 'n **steekproef**. Geen voorbereiding is nodig nie, slegs jou tyd en insae tydens 'n aanlyn vergadering. Stuur asseblief jou volle naam en van, ouderdom, woonbuurt, en gemeentenaam aan ds Iwana Hartmann (079 848 4865 of goeienuus@nhk.co.za).



12 Augustus 2025
Silver Lakes Golfbaan
TEN BATE VAN KINDERBESKERMING

- Skryf 'n vierbal in vir R5 200
2 gholffkarretjies, halfwegete en aandete ingesluit
- Borg 'n putjie vir slegs R2 200 – middagetes ingesluit
Vierbal plus putjeborg vir slegs R6 800

DRIVE FOR A CHILD **064 437 5997** **info@rata.org.za** **www.driveforachild.co.za**

- **Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:

- Eenslaapkamer: R515 000
- 1½-slaapkamer: R520 000
- Tweeslaapkamer: R560 000

Kontak Salomie Stolz by 012 329 4313 (08:00-12:00) of 083 308 0520 (na-ure) vir meer inligting.

- **Herfsakker Selfsorg-aftreeoord in Groblersdal:** Behuising beskikbaar vir persone ouer as 60. Geen versorging beskikbaar nie, persone moet selfversorgend wees. Geen etes word voorsien nie. Eie tuin. Tariewe is per vierkante meter en verskil van huis tot huis. 'n Deposito van twee maande huur is betaalbaar. Vir meer besonderhede, skakel Frik Rossouw by 082 830 6591.
- **Belfast Rusoord** bied onder meer 24-uur mediese versorging, CCTV, 24-uur-toegangsbeheer, drie gebalanseerde maaltye per dag, en aktiwiteite vir elkeen. Daar is fasiliteite vir semiversorging, verswakke bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / manager@belfastrusoord.co.za vir meer inligting en tariewe.
- **Athalia Uitrek in Bloemfontein** bied verblyf vir en versorging van bejaardes en persone met gestremdhede. Daar is enkel- en deulkamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / navrae@athalia.co.za / www.athalia.co.za.

Betaalde advertensies in hierdie nuusbrieff

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrieff geplaas word. (Tekskennisgewings van gemeentes is gratis.) Indien 'n jpg-weergawe van die advertensie voorsien word, **moet dit 15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan **mej Sanet du Plessis**, per e-pos na taal@nhk.co.za. **GEEN** advertensie sal geplaas word sonder die betalingsbewys nie.

Die **teks en bewys van betaling** moet mej Du Plessis bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

Die koste is R250 per plasing (BTW ingesluit). Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

Gebed vir die week

Oggendgebed

In die grys van die môrelik bring ek myself voor U, my God.
Gestroop van dit wat die wêreld van my weet.
Elke klein gedagtetjie is aan U bekend.
Al my drome lê mooi uitgepak.
Elke kommer het U eerste raakgesien.
Heer, stroop my van alle onsuiverheid.
Gebruik my vandag tot u eer.
Laat my luister na die Heilige Gees wat my bewoon.
Help my onthou van hoe Jesus mense na U gelei het.
My Almagtige God en Vader, dankie vir die voorreg om te weet.
Dankie vir elke seëning en u aanraking.
U ken elke faset van my lewe.
U verstaan elke optrede.
In hierdie grys oggenduur is ek dankbaar.
U is in beheer van my lewe.
Laat u lig deur my skyn vir elke eensame siel daar buite.

Amen.

www.waterstrome.wordpress.com/2012/10/18/oggend-gebed/